

籌辦夷務始末

籌辦夷務始末卷之十二

同治元年。壬戌。十二月。戊寅。總理各國事務恭親王等奏。
英國公使卜魯古。於十一月二十八日。請臣文祥。臣董恂。
到伊公館。晤稱金陵賊勢窮蹙。僅能從中解散。卽辦理可
期得手。旋據該國參贊威安瑪信稱。英國福副領事官前
在該國水師船內。停泊南京城外。據稱探悉賊情。中國果
能曉諭該賊投誠。無不赦罪。本國大臣暨提督等。一面出
示。保其必能執信。則賊勢自滅。不及一句。必有內應等因。
前來。臣等伏讀。同治元年六月間。欽奉

上諭。軍興以來。百姓顛沛流離。慘遭荼毒。朝廷憫念民艱。等因。欽

此查辦賊之道。自應勦撫兼施。果如該副領事所言。解散脅從。借為內應。金陵自不難於克復。惟所稱該國大臣出示作保。恐於納降之時。多所掣肘。且賊情詭詐。難保該副領事不為賊匪所愚。該公使等既有此說。亦不可坐失事機。曾國藩等老於戎行。必能隨機應變。合無仰懇

皇上明降諭旨。再行剴切宣示中外。與以自新。絕不追其既往。俾悔罪投誠者無復疑慮。並一面寄

諭兩江總督曾國藩。浙江巡撫左宗棠。並江浙各路疏兵大臣。默相機宜。妥為辦理。

諭議政王軍機大臣等。總理各國事務衙門奏。接據英國公使信

函請降旨解散髮逆脅從。並鈔錄戚安瑪原信呈覽一摺。據該公使函稱。金陵逆首洪秀全近聞已攜金銀貨財逃去。將來或於常州或於杭州居住。金陵城牆嚴臺無人防守。克復甚易。英國副領事官福祿。前帶水師停泊南京城外。探悉賊情。如官軍果能晚諭逆賊投誠。無不赦罪。則賊勢自滅。不及一句。必有內應。惟官軍於戰勝後。每多誅戮。以致懷疑觀望。儻能堅執有反正者。准其自新。該副領事即可至金陵城內晚諭。當經恭親王等告以解散脅從。屢奉德音。不妨再行請旨申諭。惟勦撫之事。應由中國統兵大臣酌量辦理。因將大概情形陳奏。請飭曾國藩等的辦等語。本日已明降諭旨。重申晚諭。並鈔錄明發諭旨。

一分。交與英國。轉交該副領事官。遞入金陵城內。冀逆賊聞風
反正。於軍務或有裨益。惟賊情詭譎。該副領事所稱金陵賊勢
窮蹙。是否實有其事。投誠之意。是真是偽。該國公使本有由該
國出示作保之語。恭親王等以其事多掣肘。未允所請。著曾國
藩密行探詢。如金陵城內之賊。有欲獻城投誠。以冀免罪者。不
妨設法曉諭。予以自新。以堅其信。一面嚴飭兵勇。不得利其資
財。私行殺害。以阻其向化之忱。違則重治其罪。管帶兵勇之將
士。均須一體嚴加約束。不得於賊眾納款之時。聽兵勇妄殺。
其江浙各城。如有自拔來歸者。李鴻章。左宗棠。即著一體辦理。
以現在軍情地勢而論。必應克復金陵。節節進剿。逼賊南趨。方

不至此。勦彼竄。若金陵城中之賊。願為內應。則傾其巢穴。賊勢瓦解。事半功倍。誠不可失之機會。惟賊情詭詐。恐英國副領事等貪功嗜利。為其所愚。亦不可以不防。賊眾降意之是否真確。及官軍如何受降之法。務須熟思審處。慎之又慎。以期萬全。諒曾國藩久歷戎行。必能斟酌機宜。妥籌辦理也。

英國威妥瑪來函

署理副領事官福因滬。函致本參贊。以金陵逆首洪秀全。近聞已將金銀家產。悉數散去。似有將來或於常州。或於杭州。居住之意。至金陵城牆礮臺形勢。如無一人防守。克復實為易易。等因。查該副領事官。前在該處河面防備。不准賊

匪與英商船貨干礙。迨曾中堂統帶大兵前往。該師船方得退回。其時福領事充作繕譯官。進城出城。逆匪各首。無不識認。現據來函。中國

朝廷。果能晚諭該賊投誠。無不赦罪。本國卜大人。暨水師提督各大臣等。一面出示。保其必能執信。則賊勢庶幾自滅。賊中頭目。屢次私寫密信。請敵職相助。俾得出城。為幸等語。果如此辦理。不及一句。必有內應。惟官兵得勝。事後亂殺。實使人生異心。蓋真賊不過一二分。其餘全為裹脅。偽稱千王賊匪。洪仁玕有云。官兵似此亂殺。實為天國太平之益。洪仁玕前於咸豐六年。未從賊之時。到香港。本參贊

聞知伊為逆首家親。邇來兩次細問。頗為明晰。

辛巳。江蘇巡撫李鴻章奏。前派常勝軍助剿金陵。因白齊文調勇遷延時日。嗣據吳煦等稱。該道督帶頭隊輪船。已於十月二十九日駛抵鎮江。一俟大隊到齊。定期進攻等情。其時白齊文託病未行。臣又批飭吳煦、楊坊等嚴催後隊輪船。剋期上駛去後。忽據署松江府知府方傳書等稟稱。本月十四日早間。白齊文由滬回松。將城門關閉。聞因餉銀未發。欲率勇搶劫。該府同來將李恆齋暗中設法勸諭通事勇頭。許以發餉。各勇始一聞而散。復據吳煦稟。在鎮株守旬餘。杳不見到。不得已折回催隊。十四夜駛至上

海○詢○之○楊○坊○知○白○齊○文○任○意○宕○延○屢○催○回○應○農○計○九○月○以○
前○早○已○放○清○十○月○之○餉○楊○坊○亦○許○為○措○備○告○以○一○有○起○程○
的○期○立○即○照○付○詎○白○齊○文○不○但○行○期○無○定○輒○稱○不○願○前○赴○
金○陵○請○辭○差○使○楊○坊○責○以○大○義○白○齊○文○佛○然○回○松○十○五○日○
已○刻○入○帶○洋○槍○隊○數○十○人○趕○至○上○海○楊○坊○寓○中○將○楊○坊○鼻○
額○胸○臆○打○傷○吐○血○不○止○並○將○探○備○發○餉○之○洋○銀○四○萬○餘○圓○
強○行○搶○去○稟○請○速○行○拏○辦○等○情○前○來○伏○查○外○國○人○性○情○乖○
戾○威○令○不○行○本○難○駕○馭○前○以○白○齊○文○原○係○常○勝○軍○弁○目○曾○
請○歸○中○國○版○圖○已○受○三○品○頂○戴○職○銜○又○經○英○國○提○督○何○伯○
保○薦○吳○煦○楊○坊○皆○久○與○熟○習○暫○令○接○帶○此○軍○臣○等○實○未○深○

悉底蘊。是以迭次奏明。隨時留心察看。將來能否勝任。及是否就我範圍。再行酌奪奏。

聞。嗣經協勦嘉定等處。尚為出力。亦據實陳奏。偶來臣營。謁見。每為切實勸導。方冀曲意籠絡。俾為我用。不料其跋扈狂悖。竟至於此。自何伯回國後。英國往滬提督領事。繕譯各官。均與白齊文交往親密。白齊文亦恃有英國袒護。日漸肆橫。此次逞兇滋事。經吳煦。楊坊。知照英國陸路提督士迪佛立。與之理論。士提督奉領事。亦以為非。邀至臣營晤商。據士迪佛立。參華陀面稱。已遵臣照會。轉飭白齊文。即日解去兵柄。聽候中國查辦。一面諭令英國前派去幫同教。

練之兵官名奧倫者。暫行接管。俟中外會商。派定委員接替辦理。臣聞奧倫性情偏執。未可專任。且疊奉寄

諭。令派大員接管。自應欽遵妥辦。惟常勝軍人數過眾。犷悍難制。其帶兵弁目百數十名。皆係外國人。與該勇相習已久。若管帶官驟易生手。呼應難靈。轉生事端。而各弁目素畏英國之強。內又有英國派去數人。當白齊文反噬之際。非英國派人暫管。不能令行禁止。萬不得已。與士迪佛立等酌商。由中國與英國各派委員。會同接管。並議定外國所派之員。須與中國官員和衷會商。聽臣調遣。其支發口糧。約束營規。裁減勇數。一切章程。應由中國主持經理。該兵官

不得干預。並由臣照會士提督遵照辦理。查升用副將署提標中營參將李恆嵩與常勝軍相處最久。人頗機警。臣因劄委該員會同英國所派兵官接管。俟收回兵權。再飭陸續裁汰。至三品頂戴白齊文既隸中國版圖。違犯法令。應照中國之法治罪。以杜後患而儆其餘。業令吳煦楊坊李恆嵩等嚴密拏解。應否由總理衙門照會美國公使轉飭住滬領事官一併嚴拏勿任遠颺。仰乞

聖明覈示。至二品頂戴蘇松太道吳煦二品頂戴前蘇松糧道楊坊帶領常勝軍不能實力鈐制。辦理不善。應請

旨將吳煦楊坊暫行革職。仍令妥籌接辦事宜。以觀後效。如該軍

仍前曠悍。應責成吳興。楊坊。安為裁遣。一手經理。不得置身事外。希圖諉卸。

李鴻章又奏。欽奉九月二十五日

上諭。李鴻章奏。中外官軍克復嘉定縣城。乘勝擊退援賊一摺等因。欽此。臣當卽欽遵傳

旨嘉獎。該兩國官弁等莫不歡欣鼓舞。感激

恩施。以為榮寵。惟查自中外會防以來。英國領事步華陀。法國領事伊撈。不分畛域。遇事籌商。曾經勸諭洋行捐造礮臺。開築濠牆。工程浩大。辦理迅速。其兩國會勦之兵弁房屋。夫船。供應一切費用。雖由中國籌備。而西兵糧餉。皆係該國

自行給發。英國水師提督何伯。陸路提督士迪佛。兵船譯官阿查里。法國水師提督伏恭等。奮勇爭先。不辭艱險。疊次助勦。克復堅城。竊惟中國出力員弁。皆職分應為之事。我

國家酬庸有典。猶且細大不遺。矧在遠國外臣。視同己事。推堅陷陣。卓著戰功。酌理銜情。似難沒其勞績。可否懇

恩。飭下總理各國事務衙門。照會兩國駐京公使。回奏該國。酌給議敘。以示我

朝行賞論功。中外一體之至意。其餘兩國出力員弁。卽由臣飭令會防局。仿照該國功牌式樣。另鑄金銀等牌若干面。

分別酌給佩帶宣布

皇仁。俾知感奮。謹會同辦理通商事務大臣薛煥具奏。

諭議政王軍機大臣等李鴻章奏派常勝軍助剿金陵。白齊文不遵調遣。將楊坊毆打吐血。並將豫備發餉之洋銀四萬餘圓。強行搶去。經該撫會商英國提督士迪佛。兵領事官麥華陀。將白齊文。即日解去兵柄。聽候中國查辦。並派李恆富會同英國教練官奧倫。暫行接管。和衷辦理。仍聽李鴻章調遣。其支發口糧。約束營規。裁減勇數。一切章程。均由中國主持經理。該兵官不得干預。並請將白齊文。吳煦。楊坊。分別懲處。所籌均尚妥協。已諭知總理各國事務衙門。與在京公使妥商辦理。白齊文毆傷。

監司大員。剽奪鉤銀。數逾鉅萬。實屬不法已極。該員已隸中國版圖。自應遵中國法律治罪。著卽革去三品頂戴。交李鴻章嚴拏。按照中國制度。相機妥辦。定擬具奏。吳煦楊坊有督帶之責。辦理不善。咎亦難辭。均著暫行革職。仍令妥籌按辦。以觀後效。如此軍仍前曠悍。卽由該道等酌量裁撤。儻再不能認真鈴束。卽著李鴻章從嚴奏辦。薛煥於外國事務素為熟悉。辦理均極妥協。該大臣亦當會同商辦。以期萬全無弊。不得以事權不屬。置身事外。至常勝軍入江助攻九江。洲。臺經催令趕緊籌辦。原以江面賊勢仍重。如常勝軍之勇猛。可以攻堅陷銳。於防剿不無裨益。今主將新易。恐軍氣不靖。約束無資。轉生他變。是否仍

令入江助勦。抑或暫行留滬。另調一軍助攻九浞洲之處。並著曾國藩都興阿。富明阿。李鴻章。會商妥辦。李鴻章請獎外國出力各員一片。已令總理各國事務衙門。按照該撫所請。照會兩國。住京公使自行辦理矣。

丁亥。

諭議政王軍機大臣等。前因貴州教民案件。尚未辦結。該國在京公使時復覲謁。疊諭勞崇光迅赴貴州。會同崇實等秉公辦理。現在該前督業已交卸。計日諒已起程。著卽兼程前進。不得稍涉遲延。張亮基前令署理黔撫。該前督到黔。張亮基必已先到。卽著商同辦理。務須權中外之勢。遵照疊奉諭旨。及總理各國

事務衙門咨文。斟酌妥善。各協其宜。總期於明年二月內辦結。是為至要。

已丑。烏里雅蘇台將軍明誼奏。俄國分界使臣。在塔爾巴哈台會議不遂。隱忍回國。等語。隨與明緒等。將該處嗣後辦法。商同豫籌。即於九月十一日。帶領司員等起身折回。十月下旬始抵科境。據委員阿克敦佈稟稱。邊飭復查俄使所指科屬卡外各地名。均在鄂木噶克大壩之北。奉文時已值山封路阻。未能週查。俟明春始能復勘。越日面稟。今年落雪太早。九月初間已斷行蹤。職等竭力出卡。與總管齊察等。齊岱會晤。問知鄂木噶克之北。吹河一帶。實有俄

人舊蓋木房二十餘間。因未經親睹。不敢收入稟內。而齊察罕等駐紮離卡均在十數站之遠。甫接劉調。一時不能前來迎謁。初七日行至科屬。前任參贊大臣錫霖。參贊大臣廣鳳。一同接見。談及俄使任意侵占之欲太奢。明年若果復來。難免逞兵挾制。應公同酌量防範。且須擬定一了結辦法。至吹河一帶。既有建蓋木房。可見蓄謀已久。豫為侵占地步。自應採訪其建立原委。以備來時與之理論。更須將該處總管及鄰近毗連之蒙古王公各愛莫。剴切曉諭。加意撫綏。以杜離心。該大臣等意見。會同隨公同面諭該委員等。明春復查。不得稍有顛預。致誤事機。且即傳諭。

總管齊察罕等及該處王公等。令其齊心禦侮。自守藩
籬。萬不可為俄人狡賴條約之言所愚。一俟春融道路開
通。務將何處無礙蒙古生計。何處可以議分。周查履勘。舉
註圖內。稟請本城大臣覈准咨覆到日。聽候辦理。錫霖因
骸病祈代奏回旗調理。才等再三勸其安心調治。目覩病
狀。恐於分界事宜。難資指臂。可否請

旨派定現任參贊幫辦大臣幫同辦理。抑於廣鳳奎昌二員中。專
派一人之處。恭候

聖裁。茲才於十一月二十日回烏里雅蘇台本任。將

欽差關防派隨任委員岳嵩武舒敏奏。恭送內閣封存。仍遇有與

俄國交涉事件。再請鈐用。

諭議政王軍機大臣等。明證奏。查詢俄人舊蓋房間。並豫籌防範一摺。俄國使臣在塔爾巴哈台會議分界事宜。不違所欲。隱忍回國。該使臣所指科布多卡外各地名。均在鄂木噶克大嘴之北。現值大雪封山。道路阻滯。未能出卡遠行查看。著俟明歲春融後。卽飭令委員阿克敦佈等。馳赴該處。將鄂木噶克之北吹河一帶。俄人舊蓋木房共若干間。親行勘明。此項房屋起自何年。此外有無另在他處。建蓋房屋。均著逐細查明。建立原委。以備將來與俄使理論時。令其撤去。不得聽其任意侵占。此次俄使隱忍歸國。明歲再來。難保無稱兵挾制之舉。所有該處總管

及鄰近毗連之蒙古王公各愛慕均著明緒會同明誼豫為曉諭加意撫綏以期聯絡聲勢齊心禦侮毋稍大意至卡外地方何處無礙蒙古生計何處可以議分亦須明春週查履勘豫為繪圖以便臨期奏明候旨辦理錫霖既患瘵疾所有分界事宜即著廣鳳幫同明誼辦理

總理各國事務恭親王等奏前據法國哥士耆呈遞所擬十二條臣等給與照覆後該國繕譯官到署約臣寶鑒臣文祥臣崇齡等於初二日往法館面商事件本月初一日該使將照會送到大意謂田興恕趙長三戴鹿芝三員定須抵命若僅議賠償萬難照准等語本月初二日臣寶鑒

等向赴該館。將此案情形。與之據理辯論。半日之久。該使始終逞其臆見。毫無更改。咆哮異常。欲決裂者數四。臣等以大局所關。不得已於詞色之間。稍示牢籠。該使因謂此案必須照其原議辦理。仍候臣等斟酌辦法。無庸再給照會。即於次日泐函布知等語。臣等於次日的擬信彙。以此案條款。應以是否論抵一條為重。

現在業經

欽派大臣前往查辦。一經查實。自應按照中國律例。分別抵罪。當即繕就。由臣崇綸。臣恆祺。面交該使。告以即如所擬辦理。亦不能憑一面之詞。即行定案。必須聽候

欽差大臣等查明。取其供詞。方可定擬。復經辯論再三。該使始行勉強應允。已由臣衙門再行咨催勞崇光等秉公迅速辯結。

御批知道了。

法國照覆

為照覆事。接准貴親王來文。甚為心感。貴親王不深念

貴國與各國來往之誼。執意如此。辦理恐遲早之間。不免有決裂之勢。來文有未協者三端。一謂本國因此遂欲任意傷損

貴國實在之團體。與真正之國計。二擬賠償各款。即算抵命。

不思本國何能貪貨財地土。遂聽死者埋冤。且人命之事。與國體所在同重。一任鉅貨廣土。斷無可以相易之理。三以前此西林縣張鳴鳳一案。與現在田興恕等此案捉照一律。溯自成豐三年。賊陷金陵。泰西諸國。無不喜躍推贊。冀賊得中國以後。彼此可通好來往。當有起勢助賊之意。惟本國一國。本大臣一人。立排眾議。至上海力贊拉提督調兵進攻。越兩月。擊敗該匪。克復縣城。當時本國弁兵陣亡及受傷者。計共三十餘員名。迨六年。葉中堂與巴領事爭持之時。本國雖已有西林縣一案。然本大臣當將本國旗號落下。明告眾人。此時本國不與英國同一辦法。延至

七年。本國始亦開仗。只因葉名琛偏袒所致。亦如現在此案。貴親王堅執不能妥辦。但在開仗之際。本國亦有兩意。一為理論。本國受屈之處。一為中國既啟兵端。恐非封疆之利。有本國參預其間。可無他虞。即八年議和之時。何國以意氣相陵。何國以禮讓相待。且十年和議之前。賊犯上海。非本大臣極力維持。集兵得禦。上海猶得為貴國賦稅之土乎。至今非上海猶存。

貴國又何以聯絡南北乎。計軍興迄今。本國出血力相助。究於本國何益。雖英國現助。

貴國之處。或更多。但伊國貿易繁富。猶易為力。至本國則有

出無入。奚止加倍為難。今貴親王自言為

太宗顯皇帝之弟。何國大臣意中可以忘此。但視何國大臣有驕傲之狀。何國大臣有和睦之誠。可見本大臣現於此案。謂田興恕趙長三戴鹿芝三犯員。定須抵命。實一秉大公之言。斷無有前此不欲稍乘

貴國之危。今忽於此案致欲重傷

貴國大局。非昏昧顛倒。自毀其素行乎。

貴國各處滋事。皆因現今外間官員。敢於譏笑

諭旨。譏笑貴親王。誹謗和約。相習成風。今將該三犯員從重懲創。則各處必皆相戒。勿蹈伊等覆轍。從此即可令行禁止。而

本大臣亦可與貴親王商議彼此利益之事。免以精神思
力。勞費於此等擾害之端。使當日西林縣張鳴鳳早辦抵
償。則懲一勸百。亦不致該三犯員為此預命矣。此未協者
一也。嘗思國無體不立。國無君相以次統之則亂。是以為
政者必以崇重國體為首。但欲自重其國體。亦必推己及
人。凡重臣謀國。必審量己之國體何如。人之國體何如。而
籌所以善全之策。田興恕等殺害本國大傳教士。迄今貴
親王猶力為庇護。不肯令其抵償。無非終以本國為夷人。
而暗以屬國相待。來文謂殺人者抵。係為平民而言。大臣
又當別論。本大臣思中國教民被害八人。則田興恕乃國

之大臣。自應在議貴之條。若論本國文傳教士。則田興恕非其官長。殺人者死。何異平民。今以田興恕係大臣為詞。此非以屬國相待。謂本國人之於

貴國官吏。亦有尊卑之分耶。聞貴親王來文。而知田興恕必須抵命。無復可疑。是為維持本國國體之本分。至於賠償一節。本大臣擬款。為該處天主堂被焚。及胡主教失去衣物等件。應著地方官賠補。至文傳教士等被害。仍應田興恕等抵罪。所謂賠償。乃償生者所失。非卽以此償死者之命也。此未協者二也。至於貴親王援西林縣張鳴鳳一案。比照田興恕等此案。兩案情由。判然各別。張鳴鳳殺死馬

傳教士。爾時馬傳教士本不應擅入內地。無本國官員暨
貴國官員合寫護照。其時葉督若將張令從重處。發往新
疆。即可了結。因其不肯如此辦理。故意支吾。致啟兵端。而
貴國傷亡不下數千人。糜費無數軍餉。究有何益。至此次文
傳教士前赴貴州。則係明遵和約。持有本國所發護照。非
但有我欽差關防。並有

貴國直隸布政司印信。又有刊摘和約三款。經總理衙門通
印。況我國和約久經偏處張貼。必已家喻戶曉。田興恕身
為大吏。自應知之更悉。殺害教民之後。總理衙門行文屬
其以後不可如此辦理。乃伊飭害文教士。又在三月以後。

足見伊接到總理衙門諄飭之後。尚自任意兇暴。趙長三。戴鹿芝亦仍任為爪牙。並未絲毫斂跡。本大臣實望

貴國勿因此事再受兵戈驚擾。糜費死亡。以致重定和約。種種失計。只由免此三罪人一死之故。不可不權其輕重。早自審處也。此未協者三也。總之田興恕等應當抵命者必。須抵命。實無法可為寬免。為此照會。

給法國哥士者原函

貴州教士被殺一案。自接貴大臣照會以來。迭經奏明。請

飭查辦。連次伏奉

諭旨並經

欽派大臣前兩廣總督帶馳赴貴州。秉公覈辦。本衙門無論接到貴大臣照會。或信函。均係隨到隨辦。從未稍有稽延。無如貴州距京較遠。由粵至黔。地方又多未靖。是以

欽差勞大臣現尚未經查明覆奏。連日迭接貴大臣照會。並單開十二條。及面晤辯論多次。此案條款。應以是否論抵一條為重。據貴大臣所言。貴國傳教士及中國教民等。係因傳教習教被害。別無啟釁緣由。現在業經

欽派大臣前往查辦。一經查實。自必按照中國律例。分別首從抵罪。其餘各款。應由

欽差大臣查辦時的裁辦理。

恭親王等又奏。天主教現已弛禁。自應將從前入官之天主堂。給還教民管業。本年閏八月。曾據哥士耆來函。川省原建天主堂多處。其最要係在重慶夔州二府。合涪二州。英如審擇一所。專力妥辦。其他皆置不問。訪得巴縣城內長安寺。久已閒廢。可將此廟償抵眾堂。臣等因哥士耆所稱。只須擇給一處。此外各處舊有天主堂。皆可不問。尙屬簡捷可行。當卽據情咨行四川總督駱秉章。查明妥辦去後。現在尙未咨覆前來。茲復據哥士耆來函。請將長安寺卽崇因寺。給為教中公業。其川東各處教堂。概置勿議等。

語。並據云該寺不在祀典之內。臣等覆查無異。自可照辦。相應請

旨。飭下四川總督駱秉章迅速辦結。毋得稽延。以安教士而敦睦
誼。

御批依議。

法國哥士耆來函

四川重慶府之長安寺。即崇因寺。改建天主堂一事。貴大
臣飭由該省地方官查勘具報。將

大清一統志查閱。長安寺何曾載入祀典。聞該處吳道授意紳
民捏稟作誣。並欲將該處舊有另建之書院移入該寺。以

便藉口。此事非明奉

嚴旨。不能辦成。卽望奏請

飭遵完結。

恭親王等又奏。臣崇齡。臣恆祺。於初三日到法館送信時。據哥士耆面稱。該國勒伯勒東。現授中國總兵。此後如能克復紹興。杭州。可否以提督升授等語。臣等查勒伯勒東自入中國以來。疊經戰陣。克復上虞等城。尚屬克盡厥職。現值賊氛未靖。首重材武。況以外國將弁。願隸中國。尤當覈其功績。予以升遷。俾知感激。臣等酌擬給該使一函。告以勒伯勒東果有收復蘇杭功績。自應據情保奏。仰荷

殊施。

御批知道了。

給法國哥士者原函

貴國勅總兵自入中國受職以來。迭經戰陣。克復上虞等城。實屬克盡厥職。業經欽奉

諭旨。傳語褒嘉。日昨會晤貴大臣。云稱勅總兵此後如能克復紹興杭州等城。可否以提督升授等因。今日面見恭親王。述及大意。以為論功升擢。理所應然。果能奮勉圖功。獨力克復紹興蘇杭等郡。似此勛功卓著。自應據情保奏。邀蒙

允准。

恭親王等又奏。美國公使蒲安臣本年夏間來京。於七月二十五日。齎到該國主書一件。交臣衙門。當經臣等奏明進呈。

御覽。所有答覆該國主

書一件。業由軍機處敬謹撰就。於本月初七日。臣奕訢等恭齎。親交蒲安臣祇領。茲接該使照會。內稱。當即齎送回南等語。詞氣尚屬馴順。

御批。知道了。

美國照會

為照會事。接到

貢國

大皇帝與本國大伯理璽天德書一面。本大臣當卽日齎送回國。
奏呈大伯理璽天德收覽。為此照會貴親王查照可也。
辛卯。辦理通商事務大臣薛煥。江蘇巡撫李鴻章奏。布國
使臣列斐士。前與兼署江蘇布政使事署按察使劉邵膏
會議換約事宜。該使稱於互換原本條約之外。尚有德意
志公會各國。須另錄漢文漢字條約各二十二本。同請互
換。疊經駁斥。連日據劉邵膏面稟。並將列斐士照會信面。
隨時呈閱。經該署司道飭疊次辯駁。始定換約之期。十一
月二十四日。列斐士遞照會。請於二十五日申刻換約。惟

於公會各國之事。則稱另外設法辦理。查該使此次專誠訂期換約。自宜允行。而另外辦理一言。仍須指斥。當飭劉邵青備文分晰照覆。屆期列斐士率同幫辦訥多威。繕譯李梅及公會各國領事三人。齊集劉邵青行館。並無他說。該署司與該使將原本條約校對。彼此互換。並照劉邵青刪定全銜文稿。繕寫二分。各收為據。列斐士將益用

御寶條約原本。敬謹捧回。劉邵青將換到條約原本。具稟呈送前來。查係漢文法文布文條約專條通商稅則善後條款一併索訂。實以銀線銀盤內灼該國主漆印。臣等謹飭文三口通商大臣崇厚。原派委員趙補直隸肅甯縣知縣黃惠

廖齋赴都門呈送總理衙門察收。

薛煥等又奏。臣等於列斐士所請公會各國互送條約一節。飭令劉邵青疊次辯駁。凡該使取巧違理之語。正言拒斥。所給照覆。內敘中國亦當添出別條一語。緣條約不載之事。該使不應另有干求。如該國實有為難之處。則向有互議增減之法。臣等先經豫飭劉邵青。遇與列斐士會議之時。如該使堅申前請。應卽答以此係原約不載。如必須懸辦。中國亦應重議。刪去約內不便之事。庶可兩得其平。明知該使未必聽從。不通借以拒其瀆請。乃列斐士接得照覆。絕不議及此層。但以他詞挾制。復經嚴斥。其術不售。

遂請訂期換約。惟此次照會尚稱另外設法辦理。雖立于
駁覆。並無他說。而原文既有此語。其是否藉以解嘲。抑不
免再有饒舌。又或託他國代向總理衙門籲懇。或託轉遞
申陳。均屬難於懸揣。第該使屢次為理所屈。似此後制伏
或不甚難。

諭議政王軍機大臣等。據薛煥。李鴻章奏。布路斯國換約事竣。並
密陳列斐士恐有饒舌各摺片。此次該大臣等於辯駁該公使
要求各情。隨機杜絕。頗為妥協。惟該公使照會內有另外設法
辦理之語。恐其尚有饒舌。亦應隨時防範。已諭知總理各國事
務衙門王大臣妥為察看。務期內外一體杜其妄求。償該公使

在滬或有干請。仍著該大臣等設法辦理。

署江蘇藩司劉邵膏與布路斯國使臣列斐士互遞會銜公文

為會同互換和約事。

照得本署大臣

在上海地方互換和約。今

於中國同治元年十一月二十五日。即外國一千八百六十三年正月十四日。各將所奉之權。公同驗明。俱屬妥善。即將

大清國與大布國。並德音志。拜晏撒遜。漢諾威。威而顛白。而顛巴敦。黑辛加習利。黑星達而末司大。布倫帥。額阿爾敦布而額。魯生布而額。撒孫外抹艾生納。撒孫麥甯恩。撒孫阿

理廷部而額。撒孫各部而額太。拏埒。寬德克比而孟埒。安
阿而得疊埒。郭寔安阿而得比爾你布而額。立具實瓦字
部而魯德司答。實瓦字部而孫德而士好進。又支派之各
洛以斯。小支派之各洛以斯。法郎格去而德。印布而吉並
模令布而額水林。模令布而額錫特利子二邦。以及律百
克。伯岳門。印布爾。公會通商各國。於咸豐十一年七月二
十八日。卽外國一千八百六十一年九月初二日。在天津
所立和約。今在上海布政使行館互換。本司劉謹將

大皇帝欽用國寶原本和約。親交布圖列署大臣手收。本署大臣
列。謹將大君主欽用國寶原本和約。親交中國劉藩臺手

收嗣後兩國並公會各國均遵和約奉行永遠和好平安。
合行會銜存照。同治元年十一月二十五日。

壬辰湖南巡撫毛鴻賓奏。臣奉

上諭總理各國事務衙門奏。江西湖南燒毀教堂之案。久懸未結。
請飭該督撫妥速持平。設法辦理等因。欽此。查湘潭衡州燒毀
教堂一案。前經臣將各該縣奏案摘去頂戴。勒限賠修。並
飭查拏倡首之人。究明懲辦。誠以中外和好大局所關。未
敢市美名而激事端也。惟是天主教之流傳。非止一日之
事。則國終慮始。即不得不為久遠之謀。僕辦理稍失其平。
雖可勉強於目前。終難必相安於異日。且就該公使所議。

悉心的教。其中有可以准行者。有礙難允准者。大抵凡人之情。乍見則相驚。積久則相忘。其相驚之時。縱反覆開導。不能驟破其疑。迫久而習焉。不見其異。斯無忤於心。遂且淡然忘之。而解釋於不自覺。湖南地非瀕海。各屬居民。向未覩洋人之形狀。歷來入教者。大率暗相傳習。教中底蘊。外人不得而知。以粵逆倡亂。亦係假天主教為名。其非與天主教同類。士民無從盡識。疑極幻生。訛言因之而起。湖南民風素稱剛勁。年來用兵日久。各以忠義激勸其鄉人。風氣所趨。遂有時甘蹈於愚而不悔。今若操之過急。則待之轉將愈堅。臣職任封疆。斷不肯縱容以乖和好。然深察

事勢亦未便偏重以失人心。反覆籌維。辦理殊無把握。因思該主教傳教之意。不過欲人之信從。原不願多生釁隙。臣以為欲求永杜爭端。莫如使人無疑。擬請今向來習教之人。報明戶首團總。稟知地方官註冊。嗣後有願習教者。均由戶首團總查明。實係有心向善。並無為匪劣跡。先行報明地方官一律註冊。庶教民可按冊而稽。地方官得以隨時保護。而名冊在官。稟報由戶首團總。旁人無所容其疑議。自不致更滋事故。或亦從容解釋久遠相安之一法。除該公使所擬條款分別可行與不可行。詳悉另列清單外。所有臣遵

旨議覆緣由。理合恭摺具奏。

御批。知道了。總理各國事務衙門知道。

議覆條款清單

第一款。飭禁所屬以後。不得仍蹈前轍等語。查此案業經刊刻告示。通頒曉諭。屢警將來。各屬俱已張貼。無庸另行飭禁。

第二款。於方教主到時。沿途飭辦住所。到長沙後。即借公館居住。兩日內。以賓禮接見等語。查中外既通和好。方教主遠來傳教。以勸人行善為本。則以禮接見。其理順。其事亦易辦。惟是楚人蠻野。天下所共知。必欲借勢相壓。轉致

街談巷議。互相驚疑。夫民猶水也。順其性以導之。可冀漸
漬而消。逆其性以障之。恐將潰決橫溢。現在物議未平。請
勿輕動。庶中外各行善教。不致激成事端。僕遠於沿途設
住所。到長沙設公館。愚民無知。必且觀聽傳駭。在沿途多
條荒陬僻壤。官法驟難周到。在長沙則五方雜處。更恐兩
不相下。或聚眾行兇。出其不意。雖盡法捕治。未足洩忿。與
其事後引咎。有虧待客以禮之道而已。補牢無及。何若事
前直告。猶不失相與以誠之義。而可弭患未萌。此條應暫
無庸議。

第三款嚴飭地方官將大道上所嵌十字架起除。並將應

出告示刊刻印就發給張貼等語。查湘潭街市所嵌十字架久經剗飭該地方官勸諭居民一律起除。猶恐愚民狃於偏見一時未卽聽從。再當剗切勸導務使之自願除去。庶不致有後言。至該公使所擬告示詞意微涉偏重。且業已出示曉諭。應無庸再議。

第四款。各處天主堂公所。必一律照舊建成。方教主所失書籍衣服等物。請飭各該縣措銀送交自行製辦等語。查湘潭天主堂業據該縣稟報。按照舊式賠修竣工。衡州天主堂亦飭卽日興修。方主教所失書籍衣服當時未據開報。惟係遠來傳教之人。為地方官所應保護。自可飭令各

該縣照送銀兩交其自製。以示柔遠之意。至於教民原係內地百姓。尋常百姓被難。無散給銀兩之例。更無賞給頂戴之事。頻年賊氛肆擾。居民被難者何止千百萬家。其視被難教民。困苦尤甚。勢不能一一給銀兩賞頂戴也。教民與居民初無區別。固不可以習教之故。稍存歧視。亦未便以習教之故。偏示優崇。所請俵散銀兩給與頂戴之處。礙難准行。

第五款。專指江西事宜。應由江西議覆。

第六款。衡州府湘潭縣二城內。舊有天主堂。及各項產業。應由各該地方官查明原處送還。或另行賠償等語。查湘

潭衡州所建天主堂。卽係清還舊地。此外有無別項產業。
年湮代遠。無憑查考。若任該教主隨意指索。恐致紛紛多
事。卽今本係舊業。而百數十年中。不知更易幾主。其現在
管業者。皆從價買而來。勢難奪所有。以畀該主教。湖南民
氣剛勁。習於爭鬪。準理以喻之。尙可以平其心。恃勢以加
之。必且轉滋其擾。該主教勸人為善。亦期與人相安。應俟
確切查明。分別辦理。暫難率准。

第七款。應在長沙城內。擇取空間廟宇公所。約地十五畝
上下。歸方主教為教中公業等語。查長沙城池狹小。城內
除衙署貢院等處外。尺寸皆係民居。其庵堂寺觀。亦係由

民間捐資修建並無十五畝上下公地。該教主在湖南日久。從前往來各處。與地方初無抵牾。蓋前時自同於居民。故居民亦相與安之。今則自異於居民。故居民遂相與嫉之。償給與空地。聽其興工修造。該世俗之目。驚士民之聽。萬一又釀事端。轉於該主教無益。地方官亦不任受咎。礙難准行。

第八款。前任衡永道馮某。唆使士民與教中為難。起意釀禍。應據實奏劾等語。查士民之舉動。非地方官所能勉強。苟非心之所願。雖驅之而亦不肯為。道員職位較尊。更非州縣親民者可比。縱能唆使一二人。亦豈能唆使千萬人。

且衡州為該道所轄。該道得而唆使之。湘潭非該道所轄。該道惡從而唆使之。馮冕向日居官。尚著循聲。不過上年方主教到衡住拜未會。彼時或有公事。或偶抱恙。均未可定。別無唆使實據。黜陟官吏。

朝廷自有典章。未便因該主教一面之辭。遂執為釀禍之罪。礙難准行。

御批覽

癸巳。江西巡撫沈葆楨奏。臣奉

上諭。總理各國事務衙門奏。江西教堂一案。久懸未結。請飭妥速辦理。並將照會等件照錄呈覽一摺。著沈葆楨悉心的數。飛速

覆奏等因欽此。臣當卽督同司道邀集公正紳士。將鈔發照會等件。公同閱看。其各自曉諭士民。仰體

國家柔遠之心。蠲小忿。成大信。務釋猜嫌。永締和好。所議條款。定須一一照行。各官紳深明事理。並無異議。乃傳語甫經數日。通衢處所。偏貼撲滅異端邪教公啟。據南新二縣揭呈前來。怨憤情詞。幾有不共戴天之势。臣一面飭縣嚴密查拏。一面傳詰紳士。據稱奉諭後。卽偏告各親友。或曉以義理。或怵以利害。聽者無不帖然。皆云閩省自有公論。我輩只知從眾而已。日來宣傳揭帖。各紳具有見聞。然莫能查出何人所撰。臣又詰以夏子春。徐士章何人。據稱紳

士中實無此兩箇名字。但江省此姓甚多。既據照會中指為唆使之人。則各衙門自有案可稽。不難著落研究。乃偏查。臣及司道府縣各衙門。並無此二人控詞。而教堂一案。亦未曾有人具控。臣止得令紳士再行逐加晚諭。如士民人等別有實在冤抑。許其聯名具呈。意謂既得主名。便有操縱把握。乃數月並無一人呈訴。惟匿名揭帖。愈貼愈多。此處揭去。他處復貼。理論勢禁。均無從下手。臣訪聞衙談巷議。咸謂官藉外國威福小民。人情洶洶。深恐復激成變。故因密派素信親友。假扮客商。於茶坊酒肆中。託為邂逅閒談。乘其不意。與之反覆辯論。冀其漸開覺悟。果可訪出。

倡首之人。乃察其所記問答之詞。則滿腹疑團。始終不釋。人言藉藉。眾口雷同。臣思此案必使民間毫無積疑。而後教士重到省城。可以安心傳教。若止由臣等含糊答應。將來必大起釁端。即法國公使亦豫料事勢所必然。故照會第一條。即有仍蹈前轍。惟各該省督撫是問之語。兩國既敦和好。臣等與該教士亦休戚相關。若不早策萬全。致後來有不忍言之事。臣等從重懲處。固分所應得。要何補於該教士之業已契虧。即如本年二月間。何嘗無委員防護。兵役彈壓。然眾怒難犯。勢如潮湧。誰能禦之。所以再四熟商。數月莫能定議。竊思傳教與用兵不同。用兵則以力屈。

人傳教則以心服人。人何以服信之。斯服之矣。人何以信。示之以可信。斯信之矣。卽如佛教來自西藏。當其初入中國。夫誰信之。今則士大夫以至愚夫愚婦。靡然信之矣。卽天主教行於上海等處。民趨之若不及。而江西湖南。遽有此變。非江西湖南好與法國為難也。上海等處為時較久。民實見其可信。故不强之信而自信。江西湖南為時甚暫。民未知其可信。故迫求其信而愈不信也。使傳教士徐示以可信。不强以遽信。久焉斷無不信之理。古人有言曰。將欲取之。必姑與之。該教士旣以傳教為己任。必其學識深遠。洞曉人情。定以斯言為不謬。查江西前案。與湖南貴州。

頗不相侔。當滋事之時。教士教民業經他往。並無受傷。受辱之人。該教士素以愛人如己。釋雖不報為懷。當必不以此為芥蒂。教堂本編小民居。所值無幾。該教士且肯舍其家屬資產而來。教民又皆樂善好施。亦斷不以此為吝惜。揣該教士之心。第以勸人為善。反遭不白之冤。若罪無所歸。恐為他國所輕視。臣擬由官籌措五千金。俟罪教士抵滬時。解與九江道妥交。以為賠修之費。但凡百姓願賣之地。任憑罪教士自擇建造。以壯觀瞻。至臣防範既疏。又復調停乏術。致中外大局。幾起釁端。仍請

旨將臣交部嚴加議處。似可以全該教士之體面。而服其心。該教

士從此可曲順輿情。因勢利導。由近及遠。自易及難。其一
時未遽信者。勿與較量。教民倚勢結怨者。晚諭禁止。勿聽
一偏之詞。致開嫌隙。俾百姓欣然相告曰。彼教之愛人如
己。誠如是也。彼教之釋難不報。誠如是也。有不從之。恐後
我。故曰。徐示以可信。不強以遽信。久焉斷無不信者也。若
謂懾之以兵威。期收效於旦夕。則匹夫不可奪志。萬眾同
心。背城借一。惟天所授。勝負何常。勸人為善者。當不出此
可否

飭下總理衙門。照會法國公使。晚諭該教士遵照辦理。除議覆條
款。另具清摺外。並鈔呈匿名揭帖一紙。密訪問答一紙。伏

乞

聖鑒

御批總理各國事務衙門知道。單三件。片一件併發。

沈葆楨又奏。臣於前月二十六日。承准議政王軍機大臣
密寄。同治元年十一月十五日奉

上諭總理各國事務衙門奏。江西等省教民事件。請飭迅速完結
一招等因欽此。查照會內所稱議如

聖諭。顯因教民案件。未能盡遵所請。作此恫喝之詞。豈能遽為所
懾。竊思馭夷之術。固不容操之已蹙。亦不容示之太柔。僕
因其恫喝之詞。一一勉從所請。則我退一步。彼進一步。必

至無地自容。從古苟且求和。未有不立見其敗者。前史得失。歷歷可觀。非徒夷德無厭。卽內地羣不逞之徒。且持我短長以張其跋扈。察看近日所來照會。迺從前荒陋規模。勢之所在。眾所爭趨。才智之士。甘為鷹犬。言之髮指。思之寒心。臣此次請以官箐五千金。作為賠費。又請將臣重處以平其心。實出於萬不得已之情。作此無可奈何之策。如該酋能以理自屈。定當俯首無詞。時事萬難。臣何敢稍事沽名。稍事負氣。第民心必不可失。

國體必不可傷。宜礙情形。難逃。

聖鑒。臣智盡能索。只得於相形之下。害取其輕。理合附片密陳。

御批覽。

議覆條款清單

第一款。飭禁所屬不得仍蹈前轍。否則惟督撫是問等語。查督撫為官民表率。責有攸歸。如果該教士教民別無可疑肇釁之端。平空遣人傷辱。督撫未能防範。自難辭咎。

第二款。雖教士到時。沿途飭辦住所。省城飭辦公館。以賓禮接見等語。兩國交好。使在其間。賓禮相見。分所應得。惟飭辦住所公館。居民創見。將益激其不平之鳴。該教士以存誠樂善為操修。則紛華必非所好。且眾怒未息。晉省一節。姑應從緩。以期收效將來。

第三款羅傳教士到後。五日內將告示刊印。實貼一月等語。查教之行否。在心服不在語言。該教士此後能有以服其心。小民自趨之若鶩。僅僅恃此告示。挾之以勢。則貼出而遽遭摧毀。固失體面。若顯然派人看守。足轉以此地不行確據。播諸遠方。似於傳教事宜。非徒無益。

第四款係湖南事宜。應由湖南議覆。

第五款羅士舊有育嬰堂兩所。在南昌城內。去年被焚。應將省城撫州門外官育嬰堂並地基一切產業賠還。又以二千兩賠補器具。再將天主堂照舊建成。其城內教民鋪面。鄉村教民田地被踣者。查明給還。此外備銀五千兩。賠

償教民家具等語。查江西去年並無百姓焚毀法國育嬰堂之案。亦無教民鋪面田地被踞之案。如果有之。當時必不致默無一言。撫州門外之育嬰堂。係閩省士民捐建。人得起而爭之。斷非官所能做主。且同為善舉。何必強取諸人。民間產業流通。自有契價。教民與居民事同一律。若指從前教民賣出之業為被占。居民豈肯甘心。倚勢作威。致擾眾怒。恐非教民之福。且傳教貴於日行日廣。該教士潔身先己。宜嚴加約束。方足以示招徠。至二月間所毀天主堂。只係契買民居。並未照洋法改造。所值無幾。即併所損器具估計。亦不過三千餘金。應由官籌措五千金。俟羅

士抵滬時。由九江道妥交。作為賠修之費。以昭公允。

第六款。江西吳城鎮。道光年間燒毀教堂。及鋪面等項。應查明送還。或另行賠償。均應照辦等語。查吳城梅家街之教堂地基。已成義塚。應飭吳城同知。俟羅士到日。查明官地。按照原地基址抵給。並將梅家街之井。一併交還。湯家園教堂地址如故。店面尚存。亦一併交還。被拆木料。面商給價。以示體恤。

第七款。九江府城內。擇空間廟宇公所。房屋整潔者。約地十五畝上下。送交羅士為教中公業等語。查九江兵燹之餘。官廨民居。且未全復。何有空間公所。即使或有廟宇。則

皆眾所公建。人人得起爭端。豈能由官立契。擅給。應於所賠五千金內。由該教士酌提若干。擇本地願賣民居。自行按照時值購買。以示兩無猜嫌。

第八款。係湖南事宜。應由湖南議覆。

御批覽。

密訪問答

問你們紛紛議論。都說要與法國傳教士拌命。何故。答云。他要奪我們本地公建的育嬰堂。又要我們賠他許多銀子。且叫從教的來占我們鋪面田地。又說有兵船來挾制我們。我們讓他一步。他總是進一步。以後總不能安生。如

何不與他拌命。問我等從北海來。彼處天主堂甚多。都說是勸人為善。譬如育嬰一節。豈不是好事。答云我本地育嬰。都是把人家纔養出孩子。抱來乳哺。他堂內都買的是十幾歲男女。你們想是育嬰耶。還是借此抹生。折磨耶。而且長毛都是奉天主教的。他們必定要在城內。及近城地方傳教。譬如勾引長毛進來。我們身家性命不都休了。問你們地方官同紳士主意如何。答云官府紳士。總是依他做官的止圖一日無事。騙一日俸薪。到了緊急時候。他就走了。幾時顧百姓的身家性命。紳士也與官差不多。他有家當的也會搬去受罪的都是百姓。與他何干。我們如今

都不要他管。我們止做我們的事。問譬如真有兵船來。難道你們真與他打仗麼。答云目下受從教的欺凌也是死。將來他從教的黨羽多了。奪了城池也是死。勾引長毛來也是死。橫豎總是死。他不過是礮火利害。我們都拌著死。看他一礮能打死幾箇人。只要打不完的十箇人殺他一箇人也都殺了。問你們各位貴姓。答云我們看你是老實人。與你閒談。連日官府都在各處訪查。你是外省的口音。我們姓名不能對你說的。

江西匿名揭帖撲滅異端邪教公啟

江西閩省士民耆庶為公立議約事。照得外夷和議原為

通商牟利我

大朝皇帝念其奔走跋涉。曲允其請。以示懷柔遠人之意。乃有奸民羅安當。方安之。倡行邪教。煽惑愚民。甚至株生折剝。姦淫婦女。錮蔽幼童。行蹤詭秘。殊堪痛憾。本年二月。經閩省義民齊心拆毀天主教堂。洩我公憤。正欲誅厥羅方兩賊。惜彼先期逃遁。近聞他赴京控訴。怙他國領事官來文。膽敢問我撫臺大人。要賠還銀七萬兩。並要城外育嬰堂產業。茲運城裏原堂。種種無賴。意圖訛詐。目下軍需緊急。我中國金銀。豈能填無厭之求。為此徧告同人。共伸義憤。儻該國教士。膽敢來江。盡惑我等居民。數十百萬。振臂一呼。

同聲相應。枷頭扁擔。盡作利兵。白叟黃童。悉成勁旅。務將該邪教斬除淨盡。不留遺孽。殺死一箇。償爾一命。殺死十箇。償爾十命。其有中國人投習彼教者。經各鄉族長查出。不必稟官。公同處死。以為不敬祖宗甘心從逆者戒。謹此告白。

御批覽

乙未。議政王軍機大臣等奏。竊臣文祥於咸豐九年夏間。面奉

諭旨。將軍機處冊檔內。所有道光三十年以後。關涉四國事件。派令章京等分別錄出。另立一檔。以便查考等因。欽此。當即派出

該章京等分俄英法美四國。自道光三十年起。至咸豐九年止。欽奉

上諭廷寄。及內外臣工摺報條陳事宜。及四國往來照會等件。凡有關涉四國事務者。以次纂輯。並添派章京專司校勘。期無遺漏。嗣因該章京等隨赴熱河當差。未及剋期告竣。臣奕訢等於上年十月後。復督飭該章京等迅速纂輯覆校。茲全檔告竣。臣等詳加覆閱。尙屬周詳。共書四十六卷。裝成十函。恭呈

御覽。

丙申。大學士湖廣總督官文。協辦大學士兩江總督曾國

藩奏。臣等承准議政王軍機大臣密寄。同治元年九月二十九日。奉

上諭。總理各國事務衙門奏。購買外國船礮。明春可到等因。欽此。仰見

皇上慮遠思深。先事豫籌之至意。臣等遵卽與侍郎彭玉麟提督楊岳斌。往返密商。查有統帶巡湖營提督銜記名總兵蔡國祥。勇敢耐勞。久練是軍水師。歷著功績。而人籍屬廣東。易與洋人熟習。堪以統轄七船。人查有副將銜參將威永清。參將表傑。參將銜遊擊歐陽芳。鄧秀。校尉文祥。蔡國喜。遊擊銜都司郭得也。年力精壯。向歸蔡國祥節制。堪以各

領一船。此外水手。礮手。兵丁等項。據赫德軍內所開人數。分別多寡。尚合機宜。應如所請。辦理。惟擬用山東湖南八旗人等。雖係因材器使。究嫌參雜不齊。且國藩去秋覆陳一疏。有云。輪船駛至安慶漢口時。每船酌留外洋三四人。令其司舵司火。其餘即配用楚勇。所有學習駕駛。司放礮位等事。應請即由蔡國祥於所部弁勇中。豫為派定。誘掖獎勵。以去其畏心。委任責成。以程其實效。以洋人教華人。繼以華人教華人。既不患教導之不敷。又不患心志之不齊。且與長江各項水師。出自一家。仍可聯為一氣。不過於長龍舢板數十營中。新添輪船一營而已。既見慣而不驚。

自推放而皆準。抑臣等更有請者。兩湖水勇。能泛江不能出海。性之所習。遷地弗良。但可駛至上海。不能遽放重洋。本年二月間。經臣國藩據實陳明。旋奉寄

諭。現籌購買船礮。本擬用於江面。並非施之海洋。仰荷

聖謨。閩遠。俯順物情。宣示軍中。咸知感激。僕蔡國祥經營之後。由是勇而參用浙勇。參用閩粵之人。由上海而漸至甯波。漸至山東天津。亦未必終不可出洋巡哨。觀政海邦。惟目下一二年内。則須堅守前約。不令放洋。俾臣等不失信於將士。庶幾恩誼交孚。號令易行。惟求

聖慈鑒諒。謹會同兵部侍郎彭玉麟。福建水師提督楊岳斌。合詞

具奏

諭議政王軍機大臣等。官文曾國藩奏。籌辦新添輪船大機情形。一摺。前因總理各國事務衙門奏。購買外國船礮。明春可到。請飭派將弁水勇。以備演習。當經寄諭官文曾國藩。相度機宜。參以赫德之言。籌酌速奏。茲據奏稱。與彭玉麟。楊岳斌。往近密商。所擬派令蔡國祥。盛永清等。統轄分領船隻。及每船酌留外洋三四人。司舵司火。其餘配用楚勇學習駕駛礮位等事。所籌均甚妥協。輪船駛到。計總須至明年春間。所有辦理一切縷悉情形。自應屆時與駕駛輪船之洋人妥議。再為詳定具奏。至所稱兩湖水勇。能泛江不能出海。性之所習。但可駛至上海。不能

遂放外洋。本與總理衙門原奏所擬同為江面勦賊之用起見。若將來由楚勇而參用浙勇。以至閩粵之人。由上海而漸至甯波。漸至山東天津。用以出洋巡哨。觀政海邦。惟應俟諸異日。當與該大臣等樂觀厥成也。惟輪船一時不能遠涉重洋。恐洋人屆時不聽調遣。強令而行。該大臣亦應與洋人豫先議定。以免日後鏡舌。

署理貴州巡撫韓超提督田興恕奏。臣等奉准議政王軍機大臣字寄。同治元年五月二十九日奉

上諭。前因總理各國事務衙門接據法國照會等因。欽此。正在欽遵查辦間。旋准成都將軍臣崇實。四川總督臣骆秉章。欽

奉

諭旨。分派候補道宣維祺。協領吉祥來黔查訪。行據署開州知州戴鹿芝稟稱。州民向於上元節期。祭賽龍燈。以祈年穀。歲以為常。傳教人文乃耳。係廣東人。習教之吳貞相。陳委堂。易么姑。係四川人。張三木匠。係開州人。今年正月間。夾沙龍地方國民。強逼文乃耳等。隨同祭賽。不從。團眾各抱不平。將文乃耳等捆綁欲殺。團首周國章稟經戴鹿芝親往彈壓。將文乃耳等一併帶回州署候訊。團眾卽蜂擁至州偏官立時正法。戴鹿芝見眾情洶洶。恐致激變。又因賊氛未靖。防範正資團力。若拂輿情。轉形棘手。不得已將文乃

耳等處死。團眾始散等情。稟覆前來。臣等查文乃耳係傳教之人。卽吳貞相等之習教。現在亦所不禁。戴鹿芝執因與情難拂。將文乃耳等正法。辦理錯誤。咎實難辭。應由四川委員宣維禮等稟請督臣駱秉章等覈議具奏。至首先滋事之國民。臣等已飭該州嚴拏。務獲究辦。原定和約。該主教交出。卽行張貼。以後一切。悉照和約行事。如傳教人有作奸犯科。應治罪者。奏明請

旨辦理。誠恐無知之徒。復赴天主教堂騷擾生事。臣等現經會銜出示禁止。有犯卽懲。以杜釁端。委員宣維禮等已與該主教面議一切。均無異言。各立議單存案。不致再生枝節。

韓超又奏提臣田興恕自上年正月以後病勢糾纏軍務
喫緊力疾籌辦雖不能出省督勦而楚兵楚將隨征有年
經該提臣指示機宜尚能馳驅用命如肅清安遠思銅各
郡疊破尚大坪王華山著名老巢屢挫大股粵匪追擊出
境皆為實在功效入冬之後該提臣病勢漸瘳現復整頓
各軍將先前失機之將領按其罪之重輕或軍前正法或
棍責示懲軍令一新將士倍形奮勉臣每與籌商軍事該
提臣時以黔賊未滅上負

聖恩誓必底定黔疆方足以仰對

君上其盡誠迫露才力過人臣所佩服若鉤需稍裕且與該提臣

協力和衷。或可冀戡定黔亂。至天主教一事。該主教在黔傳教年久。已各相安。乃上年忽乘紫呢大轎。侍從多人。游行街市。城廂居民。見其冠服怪異。取情駭然。幾有不能相容之勢。該提臣稍加威嚇。以定人心。事則有之。並未不准其在黔行教。亦無凌辱教人之事。即戴鹿芝等之擅殺教人。亦由於眾怒難撓。似不能歸咎於該提臣一人。况現已奉文弛禁。謹當仰體

皇上一視同仁之意。妥為辦理。四川督臣駱秉章等業經委員來黔。與該主教議定一切。可期永敦和好。臣與提臣復嚴飭屬吏將弁。不得再啟釁端。

諭議政王軍機大臣等韓超等奏違查殺害教民一案。因本年開州吏沙龍地方逼脅教人共祭龍燈傳教人文乃耳等不從。經團眾擁至州署。知州戴鹿芝見眾情洶洶。恐致激變。因將文乃耳等正法。辦理錯誤。應由四川委員宣維禮等稟請駁棄章等。嚴議具奏。現將團民拏辦和約張貼。宣維禮等已與該主教面議一切。均無異言。各立議單存案。不致再生枝節。又韓超密片奏。田興恕因上年傳教人乘輪游街。冠服怪異。眾情駭然。幾有不能相容之勢。該提臣稍加威嚇。以定人心。並未不准其在黔行教。亦無凌辱教人之事。卽戴鹿芝等之擅殺。亦由於眾怒難拂。不能歸咎於該提臣一人。各等語。韓超為田興恕所脅。將殺

害教民一事。盡謾罪於戴鹿芝。且謂宣維禮等已與該教主面議一切。均無異言。各立議單存案。果有此事。可以就案了結。亦屬妥善。乃本月十二日。據總理各國事務衙門咨送軍機處文內。稱收到法國公使哥士耆父來鈔單一紙。所言貴州情形。及百姓稟留田興祀。並無其事。四川委來候補道宣桂。並武官吉桂。抵黔兩月。並未來天主堂一次。虛坐日久。將欲回川。而貴陽府知府多文。代為主謀。言此案非裝飾造作。不能了事等情。與本日韓超所奏大略相同。是韓超等之計畫。早被外國人窺破。似此情形。焉能如所奏了結。且欲專歸罪於戴鹿芝一人。亦恐於人心公論。均未能得其平。且文乃耳實係洋人。韓超歸詞具

奏尤屬有心含混。著崇實駁來章。卽行確切訪查。該省現辦情形。並宣維禮等曾否定議立單。詳查具奏。務須字字確實。方足以折服外國人之心。否則互相捏飾。於事無濟。徒貽該國口實。諒該將軍等亦斷不出此也。勞崇光由廣東交卸起程。抵黔應已不遠。張亮基前令折回帶兵赴黔署理黔撫。兼署提督。事權既一。呼應較靈。且田興恕曾經張亮基拔擢。所部兵弁。半係相習之人。當必有法鉗制。田興恕疊經中外奏劾。其驕淫之習。跋扈之情。早當從重治罪。惟因牽涉教民一案。不得不持平辦理。原冀其早離黔省。卽可設法了結教民之案。乃屢次令赴四川。竟敢抗不遵旨。卽此一端。已屬罪無可逭。此次勞崇光。張亮基

到黔。如該提督仍敢抗不赴川。卽著傳旨拏問審辦。以爲抗違者戒。該前督等現已行抵何處。務須將辦理情形。隨時馳奏。並著懷遠前旨。於明年二月辦結。不准遲延。勞崇光。張亮基。素有果斷。諒不致遲延誤事。哥士者單內所言。勞崇光委員到黔等語。有無其事。並著卽行具奏。韓超等片二件。法國鈔單一件。均著鈔給閱看。

法國哥士者說帖

貴州省開州知州戴鹿芝奉田大人令。殺文司鐸。並未教多人一案。任司鐸在黔目覩情形。赴京投訴。將近一年。絕少音信。田家兵練常到經堂肆鬧。亂掣聖像。百般踐踏。五

月間言有

諭旨調田大人赴川。通省軍民歡欣鼓舞。而貴州撫台韓。謊稱田營多功。屢屢上摺留田。皆蒙

諭旨駁飭。遂捏奏百姓稟留田大人。不肯放其赴川。豈知田營橫徵暴斂。縱練造反。縱賊殃民。通省蹂躪已徧。而大帥坐擁男女妓妾。伶人共數百名。酣歌終日。不出省城。並未起意赴川。百姓何從稟留。八月間四川駱制軍。宗將軍。委來候補道宣懷。並武官吉姓赴黔。查辦天主教事務。抵黔兩月之久。並未奉天主經堂一次。卽藩制軍到黔。要調戴鹿芳並趙長三。回省察實。而田遂於寅夜遣刺客持刀徧藩制

軍立刻出省。致宣吉二人更不敢出聲。虛坐日久。將欲回川。貴陽府知府多文代為主謀。言此案非裝飾做作。不能了事。必當言文司鐸並非田大人主使。戴鹿芝殺害。實為園丁所殺。其殺害文司鐸之人共有六名。已有兩名打賊陣亡。有兩名拏獲正法。還有兩名在逃未獲。田大人大加稱獎。一面著謝葆齡主案。移咨四川。要所奏相符。一面遣宣吉二人回川銷差。不准與天主經堂人講話。廣東勞制軍委來二員到黔。言為拆毀青岩學堂殺傷四命之事。米文云賠銀六千兩。在四川成都父處了結。不許在黔交兌。以長洋鬼子之刁風。田大人聲言要將天主教全行殺害。

雖是空嚇。然跋扈已成。亦難料無有不測之巨禍。

丁酉。大學士湖廣總督官文奏。准總理各國事務衙門咨開。長江收稅章程。已於總稅務司赫德到京後。由總理衙門督飭司員與之詳加辯論。分別議定。照會英法等國。轉飭各商遵辦。並將議定緣由覆奏。同治元年九月二十九日奉

旨依議。欽此。咨行查照辦理等因。○才當即轉行監督江漢關漢黃德道鄭蘭。並劉付。英國領事官金執爾等一體諭飭。洋商遵照納稅。一面定期開徵。適十月十八日。赫德至楚。來轅謁見。才優禮相待。赫德詞意極為和順。並據呈出漢口收

稅更定簡明章程。因前定章程。語言繁冗。商人不便閱悉。之故。釐復加察。數尚屬簡便可行。遂定期十一月十二日。開關徵稅。以歸第十結之首。蓋是日即洋人之正月初一日也。赫德隨於十一月初八日。前往九江辦理開關事務。釐將江漢關章程逐款開列。咨行江西撫臣沈葆楨。九江關監督道員廷曙。循照辦理。以免歧異。伏查該關徵稅。為裕

國便商之善政。江漢關開徵伊始。必須立法嚴明。方免漸滋流弊。而關務之弊竇。多由丁役之賄縱。釐前在粵東。及經過江蘇浙江。訪悉粵海杭州蘇州江甯織造各關。皆信任

家丁串同巡役得賄縱私百弊叢生以多報少有虧官不
虧私之俗論。李深悉其弊。前於整頓刑關稅務移設新關。
特派道員督率委員親身經理。革除信用家丁陋習。是以
一關之設。每年徵稅銀二萬數千。溢於刑關正額。此其明
證。現在江漢關徵收洋稅事經初創。尤當弊絕風清。責成
大小委員認真經理。凡查貨徵稅事宜概不准丁役從中
經手染指。以杜流弊。該監督道鄭蘭心地樸誠廉隅自勵。
年餘以來。於洋人往來諸務。尚能實力籌辦。李仍當督同
該道遵照條約遇事講求。隨時整飭。以期洋商悅服。稅項
充裕。仰副

聖朝懷柔遠人之至意。

御批覽奏均悉。該衙門知道。

掌廣東道監察御史華祝三奏。竊維天主教蔑倫傷化。本為中國之大患。當內地未弛禁之先。習其教者猶知畏法。近因各省開禁。該教民倚恃外夷之勢。橫行鄉曲。扶持官長。士民無不痛恨。而莫可如何。貴州殺害傳教夷人一案。自應將該教民等有無為匪不法情事。徹底根究。方足以成信讞。臣聞法國公使不候查辦。竟欲殺田興恕等以償命。聞者莫不寒心。田興恕本一武夫。戰功疊著。自入黔以來。志得意滿。種種乖謬。臣上年冬曾列款奏。請

旨撤其

欽差。停其署撫。田興恕不堪造就。雖不足惜。然固

朝廷一品大員也。按國法以治之則可。順夷情以殺之則大
不可。大夷人非獨有憾於田興恕也。如駱秉章。曾國藩。沈
葆楨。毛鴻賓等。凡我

國家所倚任之人。皆彼國以為不便於己而必欲加害之人。
窺該夷之心。不過借田興恕一事以嘗試耳。若不杜其奸
謀。一經造就。將來該夷睚眦必報。有加無已。勢必由提鎮
而及於督撫。由督撫而及於部堂。由部堂而及於王公。得
步進步。

朝廷人將何以處之。在曲為之說者。不過曰內患未清。不能相抗。且姑隱忍數年。養精蓄銳。俟賊平後觀釁而動耳。曾亦思此數年中。我能休養。彼獨不能休養乎。況現在

朝政清明。民心團結。教禁初開。從者尚少。彼縱心輕我國之兵。未嘗不心憐我國之民。若遲之又久。則從教愈多。彼黨愈盛。辦理尤為棘手。雲南陝西回匪滋事。到處蔓延。迄未盡平。可為前鑒。臣愚以為通商衙門職有專司。不得不統籌全局。毋畏恫喝。毋憚煩難。毋徂目前之安。而貽後來之患。相應請

旨將貴州殺害教民一案。秉公查辦。如該教民等平日恣意橫行。

有殊生折割等情事。則殺之不為冤屈。不得謂教民犯法。概從寬宥也。如該教民等係屬無辜。因興起聽居民一面之詞誤殺。則應將誣捏者抵罪。因興起亦罪不至死。總之朝廷生殺予奪之權。操之自

上。王公大臣。尚且不得干預。設令夷人得以藉端主持。則國事不可問。而後患將不可言矣。

御批。總理各國事務衙門知道。

庚子。總理各國事務恭親王等奏。湖南江西燒毀教堂之案。久懸未結。湖南江西各傳教士來京聲訴。本月該公使哥士者屢次來函。始則請給傳教士方安之羅安當護照。

繼則請行文沿途經過地方官代辦公館食用及驛站馬匹等項。當經臣等告以發給印照及飭令各該地方官妥為保護。均無不可。至驛站一層。中國向有定例。不准濫行供應。礙難允准。該公使又具一函。以方安之等奔走苦累。目下空囊南返。計無所出。即措付行資。一路亦斷難安貼。堅執前請。必欲沿途地方官備辦公館及食用夫馬等項。俾該教士安抵長沙南昌等處。辭意殊多煩聒。臣等公同商酌。驛站一節。斷難開端。只有另為設法。以示羈縻。隨即發給護照二張。剗行順天府蓋印。交該教士收執。並剗派匠衙門聽差馬弁馬永祥送至樊城。其沿途費用一切。由

臣衙門節省公費銀兩項下撥銀四百三十五兩。交馬永祥作為路費。仍飭該弁小心護送。不得絲毫擾累驛站。一面飛咨直隸河南各督撫。凡經過地方。加派委員接替護送。復由臣等向該公使再三開導。該公使始為感激。並遞呈照會申謝。正在辦理間。復由軍機處交出湖南撫臣毛鴻賓。江西撫臣沈葆楨各摺片。臣等初意亦欲俟兩省人心平靖。再令該教士前往。無如該公使因傳教士在京。向其賂索。因之銳意令其南旋。實萬萬不能阻止。民情洶湧。該教士到省後。再有被害等情。民心失而

團體傷。大局實不可問。臣等詳為斟酌。當又公擬一函。密咨

兩湖督臣官齊屬其於該教士等到武昌時。接以禮貌。喻以利害。設法阻其前進。該教士能否聽從。臣等亦不能豫料。因於該教士臨行時。向其婉言勸導。抵省後務聽巡撫緩為辦理。不可任意脅制。事事必如所請。亦不可銳意求速。反致民心激奮。該教士尚能唯唯而從。但不知抵省後能否遵諭而行。已由臣衙門再行咨催湖南江西撫臣。趕緊設法辦理。並曉諭紳民。務使相安無事。

諭議政王軍機大臣等。總理各國事務衙門奏。法國傳教士由京前往湖南江西省城。派弁護送一摺。前因江西湖南有燒毀教堂之案。該教士羅方二姓來京呈訴。以致法國公使哥士耆日

向總理衙門覈舌。經該衙門再三理論。原擬事平再令前往。無如該公使執意令其南旋。萬難阻止。然民情未定。該教士急欲赴省。此後若再有焚害等情。辦理更形棘手。著沈葆楨毛鴻賓於該教士等未到以前。即將前此未結之案。設法辦理。並曉諭紳民。務使相安無事。以期顧全大局。該公使所擬八款。其中有萬不能行者。亦有可以俯允者。總理各國事務衙門並未悉行允許。尚須外間斟酌而行。然如毛鴻賓前奏內議履各條款。恐亦未肯遵依。仍著俟該教士到後。悉心覆議。總期上不失國體。下不失民心。方為妥善。沈葆楨前奏江西匪名揭帖。到處張貼。萬眾一心。事釁未已。湘南民俗强悍。近復習於戰爭。該教士等

貿然前往。斷難保其無事。據總理各國事務衙門奏。已擬密函
咨商官文。屬其於該教士等到武昌時。接以禮貌。喻以利害。設
法阻其前進等語。武昌為道路所必經。該教士等本有到楚面
見官文商辦之說。著官文於該教士等到武昌時。以禮接見。開
誠勸導。令其暫住湖北。從緩前進。以免別滋事端。仍飛咨沈葆
楨。毛鴻賓會商妥辦。沈葆楨前奏。有該教民到省暫緩謁見。巡
撫之語。該教民等到省。以謁見巡撫為榮。若拒而不見。則必大
拂其意。仍向住京公使饒舌。隔膜之中。不免又生變故。該撫仍
當斟酌權宜辦理。此事總理各國事務王大臣業經反復辯論。
不啻舌敝唇焦。該督撫等務當體朝廷不得已之苦衷。暫予羈

摩勿令再生枝節。是為至要。

法國照會

為照會事。所有湖南江西教中被擾各案。現已可期辦結。前經貴親王奏

准飭令各該督撫秉公妥辦。昨於方主教羅傳教士南旋時。復由貴衙門繕發公文四件。咨催兩湖兩江湖南江西各督撫。並將本大臣會議八條款。鈔錄行知。分給該主教傳教士。各自齎往投交。以便按照會辦。並經貴親王暨諸位大臣接見該主教傳教士。禮遇有加。當委委員護送南行。給備川資。通飭沿途地方官妥為照料。種種優待。均堪銘謝。此

事由貴親王暨諸位大臣悉照和約持平辦理。足見力敦友睦。期臻安輯。本大臣卽當陳請本國總理各國事務大學士。轉為奏明我大皇帝。以表中國誠心和好之端。再本國傳教士在

貴國中。遇該地方官有拘執成見者。不免相與為難。但此係一時畛域未化。顯有嫌疑之跡。究竟並非隱患。此後各處地方官如能實體貴親王保全和好。一秉大公之意。卽可知諸傳教士在此。不但無損於中國。且有時深資裨益。則彼此猜虞俱泯。自可永息爭端。日見親睦。卽如近二年來貴國各省軍務漸有起色。不日可奏蕩平。亦未嘗不由本國

諸傳教士在此所致。為此照會。

恭親王等又奏。貴州教民一案。哥士者於本月十二日。逃到訪聞貴州辦理此案節略一件。臣等閱其單內大意。以訪聞此案。業已飾言殺害教士。並非田興恕主使。實屬圖丁所殺。又勞崇光委員到黔。聲言拆毀青岩學堂。殺傷四命之事。在四川賠償六千兩等語。查此案該省究竟作何辦法。尚未據該將軍等查明咨覆。若能事機展密。該省如此辦理。亦未始不可了結。惟該公使既託諸訪聞。顯然道破。將來如果照辦。該公使使執。必不肯俯首聽從。臣已玉致該將軍等。悉心酌量。務等一至妥至。當持平之法。迅速

密咨臣衙門再行酌辦。毋再稍有漏洩。以致奏咨到京。轉在該公使得信之後。

御批知道了。

恭親王等又奏。臣等據

圓明園都司稟稱。十二月十一日。有外國人一名。至

福園門外。欲進內遊看。經該汛官兵攔阻。遂往迤西無人之

處扒牆跳進。至空間屋內翻閱書籍。經看守之太監攔阻。

尚不聽從。問伊姓名。據稱名喚張勉行等情前來。臣等隨

卽詳查張勉行係英國人。現在天津關稅務司威立士名

下當杆子手。跟隨威立士來京。住天主教堂內。威立士在

總理衙門居住。因告知原委。令其查辦。復據威立士申陳
內稱。當卽嚴飭張勉行到案詳訊。除將張勉行嚴飭回國
看守。聽候查辦外。應如何懲辦。候示遵照等語。臣等以張
勉行扒牆跳入。

國庭。經稅務司懲辦。當不致再蹈前轍。惟恐各國人等紛紛
效尤。實屬不成事體。因函致四國在京公使。令其酌給洋
字諭單一紙。交

國庭值班官兵執照。隨時遇有外國人前往。持單阻止。以免
再行滋事。嗣據法國公使先行函覆。內稱

國庭重地。例應嚴肅。豈得任意妄行。自當嚴行攔阻等語。又

據英國公使函覆。亦允照辦。均繕備諭單前來。其俄美二國雖未即函覆。而外國辦事往往互相仿效。諒亦斷無異議。

御批知道了。

天津新海關稅務司成立士申陳

為申陳事。承准總理各國事務衙門飭查本月十一日。有外國人張勉行一名。欲進

圓明園。經看守官人攔阻。該外國人在牆外無人處所越牆進內。經太監人等逐出等因。飭查是否新聞之人。辦理前來。本稅務司當即嚴傳本關杆子手張勉行到案。詳加訊

問。緣張勉行係英國人。在大沽新聞充什子手。本月初間。自行在天津住紮之英國領事官處領有護照。前來北京遊玩。十一日至。

圓明園。因不知係屬禁地。欲行進內觀看。經官人攔阻。伊遂繞牆行走。至一無人之處。竟行越牆進內。經在內看守人逐出。遂卽進城。回至天主堂住宿。並無另有別項不法情事等情。除將該什子手張勉行嚴飭卽日回大沽新聞看守。聽候查辦外。其應如何懲辦之處。伏候王爺示知。以便遵照辦理。惟該什子手張勉行至。

園時。所有看守之官弁兵丁。均係實力攔阻。其張勉行越牆。

進內。係非意料所及。該官弁兵丁似屬無過。相應申陳王爺從寬免其置議。如蒙恩允。並請行知該管各衙門一體查照可也。

辛丑。江蘇巡撫李鴻章奏。查常勝軍本華爾舊部。其初不過千人。吳煦楊坊等。始意欲藉以禦寇。薪糧夫價及一切軍火丈應。視官軍加至數倍。漫無限制。陸續增至四千五百餘人。並長夫礮船輪船經費。月需餉銀七八萬兩。前此收復松江青浦等城。未嘗不兼資其力。遂日益驕蹇。漸成尾大不掉之勢。臣等思累月。久欲稍加裁抑。而事關中外交涉之端。未便輕於發難。此次白齊文逞兇跋扈。立即撤

其兵權事當更皆之初須求補救之法英國提督士迪佛
辛初不願中國官員會帶臣與之往復辯論舌敝唇焦始
獲定議士迪佛立原定條約十三條臣覆加勘正增為十
六條於十一月二十五日蓋印移交分執並咨明總理衙
門備案其條約大要如裁汰常勝軍為三千人減定長夫
額數口糧刪除病房及日用房費種種浮濫之款既可以
稍節鉅需又如中國派員會帶口糧由臣處派員經管眼
同外國官散放松城內外地方事宜管帶官不得干預購
買軍火須有撫臣文書管帶兵不准私購懲辦諸勇須聽
中國會帶官主意各條款亦可漸收兵柄此次定約庶以

後辦理稍有頭緒。至於白齊文逃匿不出。據吳煦稟稱該犯經士提督派兵官押解來滬。現由英國兵船看管。至今並未交出。係藉口華爾白齊文先後託買軍火帳未算清等語。復據英國領事請由臣處派員赴兵船會算帳目。臣查常勝軍先前經用款項。從未稟報。臣衙門並無案據。未便會算代償。當即剴飭吳煦楊坊自行清理。相應請

旨將三品頂戴白齊文先行革去職銜。仍俟英國交出該犯。並責令吳煦楊坊拏解。臣營照中國軍法懲辦。其常勝軍先經議派英兵官奧倫會帶。茲據英國定約。隨後奏明交兵官戈登管帶。該二人者。臣均未悉其底蘊。現在奧倫甫經接

帶會同吳煦李恆嵩赴松點驗勇數裁減冗費粗立章程似尚實心幫助將來能否持久有無偏執私見不致再生枝節之處容且隨時察酌妥辦具奏。臣惟諄飭吳煦李恆嵩嚴實整頓和衷籌商於調停籠絡之中仍寓裁創之道以期協力保衛仰副

聖鑒

諭議政王軍機大臣等。李鴻章奏。籌議整頓常勝軍等語。常勝軍不遵調遣。流弊滋多。李鴻章此次與外國增定條約。裁汰常勝軍為三千人。刪除冗費。各勇口糧。由中國派員經管。松城內外地方事宜。外國管帶官不得干預。並不准私購軍火。懲辦諸勇。

悉聽中國會帶官主意。各條約均能斟酌盡善。從此漸收兵柄。一切可由中國主持。庶無尾大不掉之患。惟白齊文以利鉤陷官之化。自應按照中國軍法懲辦。現經英國提督士迪佛立押解來滬。由英國兵船看管。並未交出。並藉口華爾白齊文先後託買軍火帳未算清。請由中國派員會算。願係藉詞拖延。希圖寢事。情殊狡展。此軍所需經費。向由中國發給者為數甚鉅。均由白齊文支用。中國何從派員會算代償。已諭總理各國事務衙門。照會住京公使妥為剴辯。仍著李鴻章據理折斥。飭將白齊文迅速交出。無得任令含糊了事。致後來外國接統常勝軍者。紛紛效尤。控制愈難措手。其白齊文三品頂戴職銜。著即先

行概革。由該撫訊明懲辦。以肅軍律。

壬寅。前任兩廣總督勞崇光奏。同治元年十一月初十日。奉准總理各國事務衙門咨開。九月二十六日奉

上諭。總理各國事務衙門奏。練兵必先練將等因。欽此。並鈔錄原奏咨行前來。臣伏查本年八月十五日。先准總理各國事務衙門咨。以英國會議同防賊匪。要在訓練營兵。行令酌撥旗綠各營官兵。會同英國官兵。勤加練習。以成勁旅等因。旋有英國兵總一名。帶同教練官三名。兵四十二名。由香港來省。臣與面商派兵教練之法。據稱初入手時。派兵宜少。以後逐漸加多。大第推廣。較為有益。臣體察所言。尚

屬近理。當卽咨廣州將軍。在於駐防滿漢八旗先後派撥兵丁二百名。復會同陸路提臣。在於督撫提三標。及廣州協標。其先後選派兵丁二百五十名。聞八月十四日起。在於省城北門內撫標校場。會同演習槍礮準頭。及生作進退之法。臣又思中國兵丁。交外國人教練。而中國官不復與聞。非徒約束無人。且將來遇有調遣。若臨時派中國官管帶。則將士素不相習。指臂難以相聯。儼仍歸外國人管帶。誠恐後患難測。必須於教練之時。派中國官一同演習。兼有大員專司其事。督率稽查。則今日同襄教練之勞。卽為他日豫備統帶之任。止令中國師外國之長技。不令外

國奪中國之兵權。方為妥善。且善思已定。即與英國領事
羅伯遜及該兵練面申此議。伊等同聲佩服。臣當即於綠
營各標選派把總外委等官十員。飭令各兵一同練習。並
派都司一員。督同練習。又派督標中軍副將齡山為統領。
隨時前往督率稽查。分別勤惰。量為勸懲。並知會廣州將
軍選派防禦曉騎校等官八員。又派佐領惠林于士懋。二
員為旗兵統領。其外國人及旗綠各營官兵口糧。由總局
籌給。統交割將齡山經手。分別支給。現在派兵無多。所需
口糧。連外國人口糧。按月共止一千數百兩。籌畫不難。將
來添派兵丁漸多。經費亦逐漸加多。統由總局設法籌款。

文應數月以來。該外國人盡心教練。各弁兵亦能虛心演習。已頗有成。設臣擬漸次推廣。加添旗營綠營。各以二十人為率。一俟訓練有成。即於旗綠各兵內。選其技藝純熟者。派令前赴省外水陸各營。分投教練。毋庸再邀洋人教習。至所需槍礮等項。既用洋人練兵。即須用洋槍洋礮。專東所購。皆不合用。臣捐廉託外國人採買得洋槍二百五十桿。尚覺價廉工巧。現發交黔山轉發應用。而所短尚多。臣復創行英國領事羅伯遜。寄信回國。代為採辦二千桿。候其購運來粵。覈明價值。由局籌款給發。大礮炸礮及一切礮具。均屬該領事暫於香港借來應用。隨後再行籌辦。

一面分屬英法兩國領事各寄信回國雇募製造火器火藥之良工數人來粵由內地選派精細工匠學習製造並派委員監製務期得其真傳此且所辦派撥內地官兵練習外國兵法情形也此事初行試辦事屬創始一無舊章可循臣隨時酌量以意為之惴惴焉惟恐所辦未得其宜茲恭讀

諭旨仰蒙

垂訓周詳得以有所依據當即恭錄咨照廣州將軍水陸提督並分行各營一體欽遵照辦並將臣現在辦法知會劉長佑等知悉於到任後隨時察看情形斟酌損益妥為辦理其

餘各弁兵仍恪遵定制。照常操練中國兵法。不許偏廢。抑
臣更有請者。此等教練之法。似止可施之於營兵。不可施
之於壯勇。緣滿漢八旗官兵。皆

國家世僕。休戚相關。斷無他慮。各省綠營兵丁。雖與八旗官
兵有間。然皆係招募良民。編入行伍。大小員弁。層層鈐束。

且叨

朝廷養養之日正長。亦可以無他慮。若壯勇一項。臨時倉卒
招募。初不問所自來。事竣概行遣散。亦不問其所往。若輩
本多游手無賴。從征日久。習慣強梁。遣散之後。戢止口糧。
已難保其不滋事。若精練火器之法。皆能透徹。竊恐流弊。

不可勝言。謹恭摺具奏。

諭議政王軍機大臣等。勞崇光奏。遣派內地官兵練習外國兵法。一摺。據稱派撥旗練官兵。教練外國兵法。派中國官一同演習。兼有大員專司督率稽查。今日同襄教練之勞。卽豫儲他日統帶之任。止令中國師外國之長技。不令外國奪中國之兵權等語。所籌尚屬妥協。經該前督與英國領事羅伯遜等。面申此議。後於駐防八旗兵丁及督撫提等標兵丁。先後派發四百五十名。選派練營各標把總外委等官十員。一同練習。派都司一員督率。又沐副將齡山為統領。督率稽查。數月來演習頗著成效。現擬漸次推廣。加派旗營練營各以二千人為率。所需洋槍洋

礮已令外國人採辦。勞崇光現已交卸起程。晏端書權任兼圻。崑壽身膺專閫。均屬責無旁貸。卽著按照現籌辦法。飭令派出各官督率兵丁勤加演習。申中國之軍律。參以外國之技藝。逐日訓練。以期精熟。外國人及官兵口糧。均著由總局籌款支應。槍礮等項。已採買洋槍二百五十桿。所短二十桿。俟該國購運來粵時。覈明價值。由局籌給。製造火礮火藥之法。須選精細工匠盡心學習。並派委員監造。務令得其祕傳。不得虛應故事。俟學有成效。旗練兩營加至四十人為斷。其餘各弁兵。仍著恪守營規。照常操練中國兵法。不許偏廢。此項兵丁。止准於旗練兩營認真挑選學習。無庸再增兵額。更不准濫招壯勇。致滋流弊。

癸卯

諭內閣。薛煥著卽來京另候簡用。所有辦理通商事務欽差大臣關防著李鴻章暫行接署。

乙巳

諭內閣。辦理三口通商事務大臣著董煦署理。

丙午。山東巡撫譚廷襄奏。查法國索還天主堂地基一案。前據該國傳教士江類思來省。以城內原基為請。不願抵換。而該地比屋而居。厯年已久。隨飭濟南府。恩城縣會同江類思等書立合同。公議勝房交割。一面由司籌款給發各業戶房價。茲據藩司貢墻。轉據濟南府知府蕭培元署

歷城縣知縣程繩武稟稱。呈落山東省城雙忠祠一帶天主堂地基。前因一律改造民房。又西關陳家樓墊地一段。計十三畝二分七釐。均議各照原價買回歸還。隨經陸續籌發價值。共用銀三千八百四十一兩一錢六分。又京錢一萬九千七百四十八千。均已轉給各業戶具領清楚。所有房屋墊地。亦經騰交江類思逐一點收。取有回文附卷。並聲明前項地價。由司先後在於庫存洋藥稅課鹽斤抽釐鋪捐等款銀錢內勸支發等情前來。臣覆覈無異。所發銀錢各款。因當時房主間有外出。調契不齊。價未全領。嗣後傳令一律具領清楚。是以較原奏之數增多。合併陳

明

御批該衙門知道

丁未浙江巡撫左宗棠。江蘇巡撫李鴻章。會同辦理通商事務大臣薛煥奏。據浙江甯紹台道史致諤稟稱。已革道員張景渠。署總兵勒伯勒東。帶兵由上虞分道進剿。等攻紹興。十一月二十六日。我軍在大小界埠接仗。獲勝。二十八日。勒伯勒東拔隊徑薄紹興昌安門。槍礮互轟。斃賊不少。勒伯勒東親放大礮。藥多爆炸。致傷該總兵頭頂。登時殞命。並傷亡外國兵頭范夫哈格齡二員。洋兵密惜爾密益爾二名。各勇陣亡傷亡三十餘人。繕譯官布樂師。及兵

勇二十餘人。受傷甚重。該道現派人將勒伯勒東遣觀迎。
護來甯。厚葬郊外。聲請奏卹前來。臣等查勒伯勒東係法
國兵官。本年夏秋間。助勒甯波慈谿餘姚等處。無不勇往
直前。城池立復。自權受中國總兵職任以來。感沐

聖朝恩寵。益加奮勉。攻克上虞。茲以急取紹興。孤軍深入。親然巨
礮。臨陣傷亡。實屬奮不顧身。效忠盡命。允為荒服蓋臣。可
敬可憫。相應請

旨照故副將華爾之例。

飭部從優賜卹。並兵頭范夫哈格齡二員。一併議卹。以慰忠魂。法
國提督伏恭。現派達耳第福由上海馳赴甯波。接統勒伯

勒東舊部兵勇。請臣鴻章就近創委。其在甯波之英法
兵官。哇樂德克等。亦力薦之。臣查達耳第福。即買忒勒前
在徐姚帶勇打仗。尚稱勇敢。惟貪利任性。實不及勒伯勒
東之誠厚。前總理衙門以法國公使哥士耆。請加該員以
江蘇官職。咨令臣鴻章酌辦。臣方給以江蘇副將銜。即
將前派法國教練之洋槍勇五百名。交其管帶。疊加訓飭。
似尚勉就範圍。茲法提督請派甯波接帶。情事尚順。臣欲其
幫同地方官和衷出力。謹受甯波道節制。是以未遽允給
委劄。昨甯波道史致諤稟稱。該軍無主。勢恐潰散。請即奏
明。暫令達耳第福接管。英國總兵哇樂德克。由甯來滬。謁

晤復以相屬。臣鴻章稔知達耳第福素性剛愎。又面屬咄
樂德无隨時照料。並諭令達耳第福須聽甯波道調遣。不
准擅專妄為。致干軍紀。如果該員實力報效。恪遵中國法
度。再由甯波道詳請奏懇。

聖恩。授以浙江武官職任。並由臣宗棠覈給劄付。如達耳第福有
貪利滋擾。及督隊不力情事。卽由臣等一面撤革。一面奏
聞。

諭議政王軍機大臣等。李鴻章等奏法國勒伯勒東礮傷陣亡。請
旨優卹。並暫派達耳第福接統甯軍。覽奏均悉。勒伯勒東以外
國兵官。權受中國職任。致命盡忠。自應優予恩卹。著俟開正後

再行降旨宣示達耳第福該撫素知其貪劣任性現在暫行接統甯防亦係一時權宜之計李鴻章務當隨時察看如有貪利滋擾各情卽行撤革以防流弊

左宗棠等人奏據甯紹台道史致諤稟稱據甯波紳士翰林院編修孫學駟等聯銜呈稱甯波各屬自上冬逆匪竄擾生民塗炭本年四月前道張景渠帶領兵團由鎮海乘勝進攻約會英法二國水師同時助剿迅將郡城克復慈谿奉化象山三邑以次肅清七月攻克餘姚八月慈奉復陷英國總兵咄樂德克法國稅務司日意格壽商防勦水陸進兵慈奉接踵攻復郡城解嚴嗣又拔取上虞攻復新

味。該總兵無役不與。所向有功。中外同心。和衷共濟。地方
賴以安堵。商賈因之漸通。且自該總兵住紮以來。約束洋
兵。相安無事。不分畛域。督隊巡查。尤為商民所感。頌茲聞
有不日調換之信。聞郡紳民羣相走告。依戀難忘。呈懇詳
請具奏。將該總兵克辰留一二年。俟全浙廓清。再行調遣
等情。由該道轉稟前來。臣等查英國水師總兵該總兵。素
深知大體。疊次助攻城池。無恃功驕矜之習。所部兵目。遇
敵爭先。毫無騷擾。該道史致諤現請管帶常安軍。教習洋
槍。可冀練成勁旅。實於海疆防務有裨。該總兵昨因公來
滬。臣鴻章接見其人。尚屬和平公正。孫學駒等以中華紳

士請留外國兵官出於至誠非尋常保留地方官可比臣等未敢擅便可否請

旨飭下總理各國事務衙門酌覈照會英國公使將唾樂德克暫留甯波協防俟軍務稍平再令回國以資熟手而順輿情御批該衙門知道

壽州夷務始末卷之十二